



Food Safety Agency of Bosnia and Herzegovina

Broj:

Mostar,

Na osnovu člana 68. Zakona o hrani („Službeni glasnik BiH“, broj 50/04), člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Agencija za sigurnost hrane Bosne i Hercegovine, p o d n o s i

IZVJEŠTAJ O RADU

AGENCIJE ZA SIGURNOST HRANE BOSNE I HERCEGOVINE ZA 2020. GODINU

I - UVOD

Agencija za sigurnost hrane Bosne i Hercegovine (u daljnjem tekstu: Agencija) obavlja djelatnosti i zadatke u skladu s odredbama Zakona o hrani („Službeni glasnik BiH“, broj 50/04), Zakona o genetički modificiranim organizmima („Službeni glasnik BiH“, broj 23/09), podzakonskim propisima koji uređuju sistem sigurnosti hrane, kao i zakonskim i podzakonskim propisima koji uređuju funkcioniranje organa državne uprave.

Budžet Agencije odobren je, u skladu sa Odlukom o privremenom finansiranju institucija BiH („Službeni glasnik BiH“, br. 6/20, 21/20, 43/20) i Zakonom o budžetu institucija BiH i međunarodnih obaveza BiH za 2020. godinu („Službeni glasnik BiH“, broj 46/20), u iznosu od 1.585.000,00 KM. Odobreni budžet korigovan je za iznos od 25.842,41 KM (od čega 9.624,65 KM prenošenjem sredstva po osnovu donacija iz 2019. godine i uplate u 2020. godini u iznosu od 16.217,76 KM, od Evropske agencije za sigurnost hrane (EFSA) na ime programa posebne namjene (0810010). Po osnovu donacije sredstva EFSA – projekat (0810030) korigovan je budžet za iznos od 60.264,38 KM od čega je iznos od 21.269,00 KM prenošenjem sredstava iz 2019. godine i uplaćenog iznosa od 38.995,38 KM u 2020. godini. Agenciji su uplaćena sredstva na ime projekta 0810040 fond 10, a odnose se na sufinansiranje u skladu sa IPA 2018, u iznosu od 36.671,81 KM tako da ukupno raspoloživa sredstva za 2020. godinu iznose 1.707.778,60 KM. Ukupno realizovani izdaci do dana 29.12.2020. godine iznose 1.344.018,61 KM, što je izvršenje od 78,69% u odnosu na korigovani budžet. Sistem finansijskog upravljanja i kontrole u cjelosti je implementiran u skladu sa Zakonom o finansiranju institucija BiH, Priručnikom za finansijsko upravljanje i kontrolu i Smjernicama za provođenje procesa upravljanja rizicima u institucijama BiH. Tokom izvještajnog perioda od Ureda za reviziju institucija Bosne i Hercegovine obavljeno je predstudijsko istraživanje revizije učinka u oblasti efikasnosti institucija Bosne i Hercegovine u procesu upravljanja obukama i predistraživanje u oblasti zaštite prehrambenih proizvoda oznakama porijekla, oznakama geografskog porijekla i oznakama garantirano tradicionalnog specijaliteta u Bosni i Hercegovini.

Sud Bosne i Hercegovine donio je Presudu broj S1 3 P 032068 19 P P od 27.10.2020. godine kojom se odbija tužbeni zahtjev tužitelja Udruženje sudskih tumača kao neosnovan, u parničnom postupku radi naknade štete protiv tužene Agencije za sigurnost hrane Bosne i Hercegovine i Ureda za razmatranje žalbi a koji je pokrenut u 2019. godini.

Program 1.1 Procjena, upravljanje i komunikacija rizika porijeklom iz hrane i hrane za životinje

Projekt 1.1.1 Procjena rizika u oblasti sigurnosti hrane

Poduzimaju se pripreme radnje u cilju formiranja Savjetodavnog vijeća, Naučnog vijeća i naučnih odbora u skladu sa članom 54. tačka h) Zakona o hrani. Upravni odbor je usvojio Odluku o izmjenama i dopuni Statuta i Odluku o kriterijima za izbor članova Naučnog vijeća i naučnih odbora. Pripremljene su dvije procjene rizika i 11 brzih procjena rizika koje imaju za cilj da na naučno utemeljen način daju smjernice nadležnim organima za poduzimanje

odgovarajućih mjera, kao i informacije potrošačima i drugim zainteresiranim stranama o rizicima porijeklom iz hrane.

EU RASFF sistem – Agencija je zaprimila ukupno 13 EU RASFF obavijesti o rizicima porijeklom iz hrane. Izvršena je evaluacija obavijesti, pripremanje i dostavljanje obavijesti nadležnim organima u bh sistemu, zaprimanje povratnih informacija, te sačinjavanje povratnih informacija za upućivanje nadležnoj službi EC putem EU RASFF. Agencija je tokom 2020. godine redovno dostavljala izvještaje Evropskoj komisiji o poduzetim mjerama od strane nadležnih organa u BiH koji se putem RASFF WINDOW, SANTE RASFF EC čini dostupnim svim članicama RASFF mreže.

Obavijesti izvan EU RASFF sistema - Agencija je zaprimila ukupno četiri obavijesti izvan EU RASFF sistema koje su na daljnje postupanje i poduzimanje odgovarajućih mjera dostavljene nadležnim organima.

WHO/FAO INFOSAN mreža - Od strane INFOSAN kontakt tačke za hitne slučajeve za BiH, zaprimljeno je 12 INFOSAN obavijesti koje nisu zahtijevale postupanje nadležnih organa u BiH.

Monitoring hrane – U saradnji sa nadležnim organima BiH i entiteta pripremljen je i proveden Program praćenja (monitoring) ostataka pesticida u i na hrani biljnog i životinjskog porijekla u 2020. godini. Ukupno je uzorkovano 195 uzoraka hrane i svi su analizirani na prisustvo 183 aktivne materije. Od ukupno 195 analiziranih uzoraka, 131 uzorak nije sadržavao ostatke pesticida na nivou kvantifikacije, 64 uzorka (32,82%) su sadržavala ostatke pesticida u/iznad nivoa kvantifikacije. Jedan uzorak je bio neodgovarajući (0,51%). Rezultati analiza su obrađeni koristeći relevantnu metodologiju, te je izvršena procjena prehrambene akutne (kratkotrajne) i hronične (dugotrajne) izloženosti potrošača ostacima pesticida.

Saradnja sa laboratorijama - Agencija je i u 2020. godini nastavila saradnju sa laboratorijama za kontrolu hrane u BiH. Na osnovu trenutno obrađenih podataka o laboratorijskim analizama hrane, u BiH, uzorkovano je 8.621 uzoraka hrane, od čega je neodgovarajućih bilo 151 ili 1,75% uzoraka. Na osnovu podataka o laboratorijskim analizama vode, u BiH je u 2020. godini uzorkovano 3.424 uzoraka vode. Od tog broja neodgovarajućih je bilo 522 ili 15,25 % uzoraka. Na području BiH u 2020. godini je registriran ukupno 191 slučaj obolijevanja gdje je hrana potvrđena kao uzrok/put prenosa. Registrirana je jedna epidemija *Salmonellosis* sa ukupno 8 oboljelih.

Registar hrane za posebne prehrambene potrebe - U skladu s odredbama Pravilnika o hrani za posebne prehrambene potrebe („Službeni glasnik BiH“, broj 72/11), Agencija vodi Registar hrane za posebne prehrambene potrebe koja je stavljena na tržište BiH i koji trenutno sadrži osnovne podatke o 225 proizvoda koji se nalaze na tržištu BiH, a spadaju u jednu od kategorija hrane za posebne prehrambene potrebe.

Saradnja sa međunarodnim i EU institucijama i organizacijama

Jačanje kapaciteta za implementaciju novog zakonodavstva BiH usklađenog sa acquis-om - Kako bi se osigurala pravovremena i efikasna implementacija novog zakonodavstva u oblasti sigurnosti hrane, Agencija je koristila ponuđene kapacitete različitih programa Evropske unije i drugih međunarodnih organizacija. Tako je uz podršku TAIEX instrumenta, putem on-line platforme, organizovana ekspertska misija na temu: „*Koordinacija laboratorija*“.

Međunarodna saradnja – Saradnja sa Evropskim autoritetom za sigurnost hrane (EFSA) - U skladu sa predpristupnim obavezama stručnjaci iz Bosne i Hercegovine su i tokom 2020. godine redovno učestvovali na sastancima radnih tijela Evropske agencije za sigurnost hrane: Savjetodavno vijeće, Mreža kontakt tačaka, naučne mreže iz oblasti pesticida, kontaminanata, genetički modificiranih organizama, dobrobiti i zdravlja životinja, rezidua veterinarskih lijekova, antimikrobne rezistencije i komunikacije rizika.

Kampanja „Zaustavite afričku svinjsku kugu“ - EFSA je, u toku 2020. godine, započela veliku kampanju s ciljem podizanja svijesti javnosti i pružanja pomoći u zaustavljanju širenja

afričke svinjske kuge na području jugoistočne Evrope. Cilj informativne kampanje, koju EFSA u Bosni i Hercegovini provodi u saradnji sa Agencijom, je unaprijediti znanje o afričkoj svinjskoj kugi. Usmjerena je na pojedince i grupe ljudi, kao što su farmeri i lovci koji dolaze u kontakt s domaćim i divljim svinjama, veterinarske organizacije, udruženja poljoprivrednika, carinski službenici, granična policija, lokalne vlasti, turistički operateri i putnici.

Preporuke potrošačima za prevenciju COVID-19 - Zbog povećanog interesa potrošača da li postoje dokazi da je hrana izvor ili put prenosa koronavirusa koji je uzrokovao pandemiju koronavirusa COVID-19, preuzeli smo i distribuirali mišljenje EFSA u kojem se navodi da dosad nema dokaza da je hrana vjerovatni izvor ili put prenosa virusa koji je uzrokovao pandemiju koronavirusa COVID-19.

COVID-19 i sigurnost hrane: Smjernice za kompanije u prehrambenom sektoru Agencija je izradila smjernice Svjetske zdravstvene organizacije *COVID-19 i sigurnost hrane: Smjernice za kompanije u prehrambenom sektoru*, u kojima je pojašnjeno ono što je do sada poznato o COVID-19 i hrani, te se nude savjeti kako bi se sačuvalo povjerenje i uvjerenost potrošača da je hrana sigurna.

FAO: 10 stvari koje subjekti u poslovanju s hranom trebaju znati o sigurnosti hrane i COVID-19 -Organizacija za hranu i poljoprivredu Ujedinjenih naroda na različite načine učestvuje u odgovoru na pandemiju COVID-19, te pored ostaloga, pruža zemljama savjete o politikama iz svoje nadležnosti, priprema i dijeli smjernice i najbolje prakse o sigurnosti hrane. U okviru navedenih aktivnosti pripremljen je pamflet pod nazivom „10 stvari koje subjekti u poslovanju s hranom trebaju znati o sigurnosti hrane i COVID-19“, čiji prevod je osigurala Agencija, te na taj način isti učinila dostupnim zainteresiranim stranama u BiH.

ICMSF: Ne postoje dokumentirani dokazi da je hrana značajan izvor i/ili put prenosa virusa SARS-CoV-2 - Međunarodna komisija za mikrobiološke specifikacije za hranu (International Commission on Microbiological Specifications for Foods, ICMSF) objavila je „*Mišljenje o SARS-CoV-2 i njegovoj vezi sa sigurnošću hrane*“, čiji prevod je osigurala Agencija, te na taj način isto učinila dostupnim zainteresiranim stranama u BiH.

Kod prakse za smanjenje kontaminacije hrane sa policikličnim aromatskim ugljikovodicima (PAU) iz procesa dimljenja i direktnog sušenja – Agencija je, u izvještajnom periodu, izradila i smjernice *Kod prakse za smanjenje kontaminacije hrane sa policikličnim aromatskim ugljikovodicima (PAU) iz procesa dimljenja i direktnog sušenja*. Navedene smjernice namijenjene su za davanje preporuka nacionalnim tijelima i proizvođačima u cilju sprečavanja i smanjenja kontaminacije hrane PAU-om u komercijalnim postupcima dimljenja i direktnog sušenja. Potrošači često dime hranu koristeći postupak direktnog dimljenja, dok se sušenje može raditi direktno/izravno ili indirektno/neizravno, npr. na suncu ili u mikrovalnoj pećnici, zbog čega se smjernice takođe mogu koristiti kao osnova za informisanje potrošača.

IPA 2018 - u skladu s Godišnjim akcionim programom IPA 2018 za Bosnu i Hercegovinu, Agencija je, u saradnji s Federalnim ministarstvom poljoprivrede, vodoprivrede i šumarstva, Ministarstvom poljoprivrede, šumarstva i vodoprivrede Republike Srpske i Odjelom za poljoprivredu, šumarstvo i vodoprivredu Brčko distrikta BiH, pripremila Twinning fiche za projekt „Podrška EU jačanju kapaciteta i postupnom usklađivanju sektora sigurnosti hrane u BiH s Acquis“ koji odražava prioritete sektora sigurnosti hrane u Bosni i Hercegovini, a bit će finansiran sredstvima EU. Implementacija Twinning projekta, u skladu s Ugovorom (br:2020/416-233) započela je dolaskom rezidentnog savjetnika za Twinning u Agenciju dana 01.09.2020. godine. Sredstva predviđena Godišnjim akcionim programom IPA 2018 za Bosnu i Hercegovinu usmjerena su na: *Izgradnju institucionalnih kapaciteta, provedbu politika i usklađivanje zakonodavstva u području sigurnosti hrane; Nabavku opreme potrebne za kompletiranje aktivnosti u okviru komponente izgradnje institucionalnih kapaciteta (ICT oprema, softver i specifična oprema za prikupljanje i obradu podataka).*

Agricultural Competitiveness and Institutional Strengthening Project (ACIS) - Agencija je nastavila aktivnosti na pripremi projekta „*Agricultural Competitiveness and Institutional Strengthening Project (ACIS)*“, koji je planiran kao nastavak Projekta poljoprivrede i ruralnog razvoja. Projekt za cilj ima uspostavljenje informacionog sistema sigurnosti hrane u BiH (FSIS) sa akcentom na procjenu i komunikaciju rizika.

Projekt 1.1.2 Koordiniranje izrade propisa usaglašenih sa legislativom Evropske unije kako bi se osigurao izvoz hrane i hrane za životinje, te zaštitili interesi potrošača i proizvođača

Propisi o hrani Na prijedlog Agencije u saradnji s nadležnim organima, Vijeće ministara BiH donijelo je pet propisa i to: *Odluka o osnivanju Komisije za priznavanje prirodnih mineralnih, prirodnih izvorskih i stonih voda u Bosni i Hercegovini* („Službeni glasnik BiH“, broj 43/20); *Odluka o izmjeni odluke o ovlaštenim tijelima za ocjenjivanje usaglašenosti za proizvode zaštićene oznake porijekla, zaštićene oznake geografskog porijekla i garantirano tradicionalnog specijaliteta* („Službeni glasnik BiH“, broj 51/20) i *Pravilnik o izmjenama Pravilnika o prehranbenim aditivima (u fazi objavljivanja u „Službenom glasniku BiH“)*.

Ostali propisi: *Odluka o imenovanju članova Upravnog odbora Agencije za sigurnost hrane BiH* („Službeni glasnik BiH“, broj 47/20) i *Odluka o izmjeni Odluke o imenovanju članova Upravnog odbora Agencije za sigurnost hrane Bosne i Hercegovine (u fazi objavljivanja u „Službenom glasniku BiH“)*.

Projekt 1.1.3 Implementacija propisa iz oblasti sigurnosti hrane

Oblast genetički modificiranih organizama – Vijeće za GMO, u izvještajnom periodu, održalo je ukupno četiri sjednice na kojima je doneseno sedam mišljenja po zahtjevu subjekta u poslovanju sa hranom za životinje za izdavanje rješenja za obnovu odobrenja za stavljanje na tržište BiH GM hrane za životinje. Agencija je na osnovu navedenih mišljenja donijela sedam Rješenja o obnovi Rješenja o odobrenju za stavljanje na tržište BiH GM hrane za životinje. Vijeće za GMO je također dalo četiri mišljenja nadležnim organima BiH, entiteta i Brčko distrikta BiH, odnosno zainteresiranim stranam.

Komisija za priznavanje prirodnih mineralnih, prirodnih izvorskih i stonih voda u Bosni i Hercegovini - U izvještajnom periodu Vijeće ministara BiH imenovalo je novi saziv Komisije, a Odluka o imenovanju objavljena je u “Službenom glasniku BiH”, broj 43/20. Komisija je rješavala 25 predmeta za priznavanje prirodnih mineralnih, prirodnih izvorskih i stonih voda. Komisija je okončala 15 predmet i donijela Mišljenja o priznavanju voda koje se stavljaju na tržište u Bosni i Hercegovini. Sve priznate vode upisane su u Registar Agencije. Ažurirana Lista priznatih prirodnih mineralnih, prirodnih izvorskih voda i Popis stonih voda objavljeni su u “Službenom glasniku BiH”, broj 24/20. Agencija je, u saradnji s Komisijom, pripremila i donijela odgovarajuće potvrde, te pružila svu potrebnu tehničku podršku proizvođačima prirodnih mineralnih i prirodnih izvorskih voda proizvedenih u BiH s ciljem nastavka izvoza na tržište Republike Hrvatske.

Komisija za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehranbenih proizvoda u Bosni i Hercegovini - U izvještajnom periodu Komisija je rješavala četiri zahtjeva za registraciju prehranbenih proizvoda zaštićenom oznakom porijekla, odnosno zaštićenom oznakom geografskog porijekla. Nakon provedenih postupaka, Agencija je, na prijedlog Komisije donijela rješenja, odnosno jedno rješenje za registraciju prehranbenog proizvoda zaštićenom oznakom porijekla i tri rješenja za registraciju prehranbenih proizvoda zaštićenom oznakom geografskog porijekla. Rješenja za navedene prehranbene proizvode su objavljena u „Službenom glasnik BiH, broj 36/20, dok Agencija vodi registar prehranbenih proizvoda zaštićenih oznakom porijekla, odnosno registar prehranbenih proizvoda zaštićenih oznakom geografskog porijekla. U „Službenom glasniku BiH“, broj 58/20 objavljena je Lista ovlaštenih tijela za ocjenjivanje usaglašenosti za proizvode zaštićene oznake porijekla, zaštićene oznake geografskog porijekla i garantirano tradicionalnog specijaliteta.

Upravni odbor Agencije - Na prijedlog Agencije, Vijeće ministara BiH, donijelo je Odluku o imenovanju članova Upravnog odbora Agencije za sigurnost hrane Bosne i Hercegovine („Službeni glasnik BiH“, broj 47/20). Održane su četiri sjednice Upravnog odbora na kojima je razmatran i usvojen jedan propis iz oblasti sigurnosti hrane, utvrđen je Program rada Agencije za 2021. godinu, te usvojena Odluka o izmjeni Odluke o imenovanju članova Upravnog odbora Agencije za sigurnost hrane Bosne i Hercegovine i Poslovnik o izmjenama i dopunama Poslovnika o radu Upravnog odbora Agencije za sigurnost hrane Bosne i Hercegovine. Također je razmatrana Informacija o problematici u vezi s primjenom Pravilnika o pružanju obavijesti potrošačima o hrani („Službeni glasnik BiH“, broj 68/13) i razdvajanjem proizvoda biljnog i životinjskog porijekla na policama trgovina i Informacija o propisima za razmatranje od strane Upravnog odbora.

Mreža organizacija u području sigurnosti hrane i hrane za životinje - U skladu s „Odlukom o uspostavi Mreže organizacija u području sigurnosti hrane i hrane za životinje“, a na osnovu prijave na javni poziv Agencije, formirana je Mreža organizacija u području sigurnosti hrane i hrane za životinje kojoj je dosad pristupilo 16 instituta, zavoda i fakulteta. Mreža se formira za potrebe realizacije zadataka i projekata delegiranih i/ili finansiranih od strane međunarodnih organizacija među kojima su EFSA, Evropski centar za prevenciju i kontrolu bolesti, Codex Alimentarius komisija, te druge međunarodne organizacije.

Baza eksperata Agencije - Zadaci Agencije obuhvaćaju i pružanje: naučnih savjeta, te naučne i tehničke pomoć vezano uz ljudsku prehranu u vezi sa zakonodavstvom BiH, kao i pomoći u komunikaciji vezano uz pitanja prehrane u okviru programa zdravstvene zaštite u BiH; naučnih mišljenja o drugim pitanjima vezanima uz zdravlje i dobrobit životinja i zdravlje bilja; naučnih mišljenja o proizvodima, uključujući hranu i hranu za životinje vezano uz genetički modificirane organizme. Imajući u vidu da je za realizaciju naprijed navedenih zadataka Agencije neophodno aktivirati sve raspoložive naučno-istraživačke potencijale u BiH – akademsku zajednicu i ostale nezavisne eksperte usko specijalizirane za oblast sigurnosti hrane, u tu svrhu Agencija je formirala bazu eksperata, koja se redovno ažurira.

Realizacija zaključaka Vijeća ministara BiH - U izvještajnom periodu, Vijeće ministara BiH zadužilo je Agenciju za realizaciju 19 zaključaka, koji su uspješno realizirani. Realizacija Zaključaka Vijeća ministara BiH je prioritet u realizaciji Agencije.

Tokom 2020. godine u segmentu komunikacije s potrošačima posredstvom sredstava javnog priopćavanja evidentirano je ukupno 33 aktivnosti, među kojima su priopćenja za javnost, izjave za medije te pismeni odgovori na upite medija. U skladu s načelom transparentnosti, na web stranici Agencije se blagovreno objavljuju navedeni sadržaji (novosti/priopćenja - 52; propisi/javne konsultacije - 2; javne nabavke - 21).

Odgovori na zastupnička pitanja – Agencija je u toku 2020. godine pripremila i dostavila odgovore na devet zastupničkih pitanja.

Zaključak sa 73. sjednice Vijeća ministara BiH (informacija o stanju ravnopravnosti spolova) - U Agenciji je ukupno zaposleno 36 državnih službenika i zaposlenika od čega su 22 žene i 14 muškaraca, i to: *Sekretar na posebnom zadatku – ukupno dva (dva muškarca); Sekretar – ukupno jedan (muškarac); Pomoćnik direktora – ukupno dva (jedan muškarac i jedna žena); Šef odsjeka - ukupno sedam (tri žene i četiri muškarca); Stručni savjetnik - ukupno pet (četiri muškarca i jedna žena); Viši stručni saradnik - ukupno devet (osam žena i jedan muškarac); Stručni saradnik - ukupno dva (dvije žene) i Zaposlenici – ukupno osam (jedan muškarac i sedam žena).*

S obzirom na poteškoće uzrokovane pandemijom COVID 19 (koronavirus), Agencija je uspjela uspješno realizirati većinu aktivnosti planiranih Programom rada za 2020. godinu.



II - IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA AGENCIJE ZA SIGURNOST HRANE BIH ZA 2020. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (% , broj ili opisno)	Polazna vrijednost 2019. godina	Cijijana vrijednost 2020. godina	Ostvarena vrijednost na kraju godine 2020. godina	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12
1.1. Procjena, upravljanje i komunikacija rizika porijeklom iz hrane i hrane za životinje											
1.1.1 Procjena rizika u oblasti sigurnosti hrane	02, 03, 04	Broj	154	214	200	Budžet	596.640	443.530	IV	IV	U cilju realizacije ove aktivnosti nije bilo donesenih naučnih mišljenja u izvještajnom periodu. Kako bi se nadomjestilo navedeno, Agencija je pripremila preporuke, mjere i smjernice za daljnje postupanje nadležnim organima i ostalim zainteresiranim stranama.
1.1.1.1 Priprema i provođenje naučnih i stručnih istraživanja i monitoring planova, te izrada mišljenja i preporuka	02, 03, 04	Broj	49	99	95	Budžet	272.660	204.024	IV	IV	U izvještajnom periodu, Agencija je na osnovu obavijesti zaprimljenih putem EU RASFF sistema, INFOSAN mreže i obavijesti izvan EU RASFF sistema pripremila preporuke, mjere i smjernice za daljnje postupanje nadležnim organima i ostalim zainteresiranim stranama. Također su pripremljene i inicijalne procjene rizika porijeklom iz hrane.

1.1.1.2 Prikupljanje i vođenje baza podataka/evidencija	02, 03, 04	Broj	15	15	15	Budžet	181.980	133.059	IV	IV	Agencija je u izvještajnom periodu uspostavila i redovno ažurirala sve planirane baze podataka, čije će ažuriranje i eventualno unapređenje biti nastavljeno kontinuirano i u narednom periodu.
1.1.1.3 Saradnja sa međunarodnim i EU institucijama i organizacijama	02, 03, 04	Broj	40	50	50	Budžet	142.000	106.447	IV	IV	U okviru međunarodne saradnje, u izvještajnom periodu osigurano je učešće predstavnika svih nivoa vlasti na obukama koje su realizirane u saradnji sa TAIEX-om i EFSA-om. Uslijed trenutne situacije uzrokovane pandemijom COVID 19, obuke su realizirane on-line.
1.1.2 Koordiniranje izrade propisa usaglašenih sa legislativom Evropske unije, kako bi se osigurao izvoz hrane i hrane za životinje, te zaštitili interese potrošača i proizvođača	02, 03, 04	Broj	149	151	154	Budžet	650.880	470.400	IV	IV	U odnosu na propise čija izrada je planirana Programom rada za 2020. godinu, u izvještajnom periodu je urađeno više propisa u odnosu na planirani broj, a što je detaljno prikazano u tabeli za izvještaj za podzakonske akte.
1.1.2.1 Propisi o hrani	02, 03, 04,	Broj	149	151	154	Budžet	650.880	470.400	IV	IV	Programom rada Agencije za 2020. godinu planirana je izrada Pravilnika o maksimalnim nivoima ostataka pesticida u i na hrani i hrani za životinje biljnog i životinjskog porijekla koji je još u fazi izrade. U izvještajnom periodu je urađeno više propisa u odnosu na planirani broj, a što je detaljno prikazano u tabeli za izvještaj za podzakonske akte.
1.1.3 Implementacija propisa iz oblasti sigurnosti hrane	02, 03, 04	Broj	450	650	623	Budžet	560.480	430.089	IV	IV	Agencija je i u toku 2020. godini nastavila sa aktivnostima koje su se odnosile na implementaciju propisa iz oblasti sigurnosti hrane, a što je detaljnije prikazano u nastavku tabele.

1.1.3.1 Koordinacija u vezi sa hitnim slučajevima, rješenja za odobravanje za stavljanje na tržište hrane, pojašnjenje, tumačenje i odgovori u vezi implementacije propisa	02, 03, 04	Broj	420	610	581	Budžet	515.480	395.680	IV	IV	Agencija je tokom 2020. godine u segmentu komunikacije s potrošačima posredstvom sredstava javnog priopćavanja evidentirala ukupno 56 aktivnosti, među kojima su priopćenja za javnost, izjave za medije te pismeni odgovori na upite medija. U skladu s načelom transparentnosti, na web stranici Agencije se blagovremeno objavljuju navedeni sadržaji (novosti/priopćenja - 69; propisi/javne konsultacije - 10; javne nabavke - 32 i pristup informacijama - 2). Također je dostavljen i veliki broj odgovora na upite subjekata u poslovanju s hranom, nadležnih organa svih nivoa vlasti i ostalih zainteresiranih strana. Također su praćene aktivnosti u radu Vijeća za genetički modificirane organizme, Komisije za priznavanje prirodnih mineralnih, prirodnih izvorskih i stonih voda u Bosni i Hercegovini i Komisije za registraciju oznaka porijekla, oznaka geografskog porijekla i dodjelu oznaka garantirano tradicionalnog specijaliteta prehrambenih proizvoda u Bosni i Hercegovini te je u okviru ovih aktivnosti doneseno ukupno 23 rješenja u upravnom postupku.
1.1.3.2 Upravljačka i aktivnost podrške	02, 03, 04	Broj	30	40	40	Budžet	45.000	34.409	IV	IV	Agencija je u izvještajnom periodu izradila sve strateške dokumente koji su bili planirani Programom rada. Također su u skladu s planiranom dinamikom izrađeni finansijski izvještaji, kao i realizirani zaključci Vijeća ministara BiH.

Napomena:

02 SEKTOR ZA PRAVNE I FINANSIJSKE POSLOVE;

03 SEKTOR ZA NAUČNU SARADNJU, PROCJENU I KOMUNIKACIJU RIZIKA;

04 SEKTOR ZA UPRAVLJANJE RIZICIMA, GMO, HRANU ZA ŽIVOTINJE, CERTIFIKACIJU I OZNAČAVANJE HRANE

III - IZVJEŠTAJ O IZRAĐENIM ZAKONIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BIH ZA 2020. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv zakona	Vrijeme provođenja		Status zakona zaključno sa 31.12.2020. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
1.1 (naziv programa)							
1.1.1 (naziv projekta)							
1.1.1.1 (naziv zakona)							
1.1.1.2 (naziv zakona)...							
1.1.2 (naziv projekta)...							
1.2 (naziv programa)...							

IV - IZVJEŠTAJ O IZRAĐENIM PODZAKONSKIM AKTIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2020. GODINU
Opći cilj/principi razvoja: Održivi rast
Strateški cilj: Brži i efikasniji razvoj poljoprivrede i ruralni razvoj
Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH
Specifični cilj: Unaprjeđenje sistema sigurnosti hrane

Naziv podzakonskog akta	Vrijeme provođenja		Status podzakonskog akta zaključno sa 31.12.2020. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VM BiH (DA/NE)	
1	2	3			4	5	6
1.1 Procjena, upravljanje i komunikacija rizika porijeklom iz hrane i hrane za životinje							
1.1.2 Koordiniranje izrade propisa usaglašanih sa legislativom Evropske unije, kako bi se osigurao izvoz hrane i hrane za životinje, te zaštitili interese potrošača i proizvođača							
1.1.1.1 Odluka o osnivanju Komisije za priznavanje prirodnih mineralnih, prirodnih izvorskih i stonih voda u Bosni i Hercegovini	II	III	DA	DA	DA	DA	Odluka o osnivanju Komisije za priznavanje prirodnih mineralnih, prirodnih izvorskih i stonih voda u Bosni i Hercegovini objavljena je u „Službenom glasniku BiH“, broj 43/20

1.1.1.2 Odluka o izmjeni odluke o ovlaštenim tijelima za ocjenjivanje usaglašenosti za proizvode zaštićene oznake porijekla, zaštićene oznake geografskog porijekla i garantirano tradicionalnog specijaliteta	III	III	DA	DA	DA	DA	Odluka o izmjeni odluke o ovlaštenim tijelima za ocjenjivanje usaglašenosti za proizvode zaštićene oznake porijekla, zaštićene oznake geografskog porijekla i garantirano tradicionalnog specijaliteta objavljena je u „Službenom glasniku BiH“, broj 51/20
1.1.1. 3. Pravilnik o izmjenama Pravilnika o prehranbenim aditivima	IV	IV	DA	DA	DA	DA	Pravilnik o izmjenama Pravilnika o prehranbenim aditivima je donesen od strane Vijeća ministara BiH i trenutno u fazi objavljivanja u „Službenom glasniku BiH“
1.1.1.4 Odluka o imenovanju članova Upravnog odbora Agencije za sigurnost hrane BiH	II	III	DA	DA	DA	DA	Odluka o imenovanju članova Upravnog odbora Agencije za sigurnost hrane BiH objavljena je u „Službenom glasniku BiH“, broj 47/20
1.1.1.5. Odluka o izmjeni Odluke o imenovanju članova Upravnog odbora Agencije za sigurnost hrane Bosne i Hercegovine	IV	IV	DA	DA	DA	DA	Odluka o izmjeni Odluke o imenovanju članova Upravnog odbora Agencije za sigurnost hrane Bosne i Hercegovine je u fazi objavljivanja u „Službenom glasniku BiH“.

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BiH ZA 2020. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv međunarodnog ugovora	Vrijeme provođenja		Status međunarodnog ugovora zaključno sa 31.12.2020. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VM BiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
1.1 (naziv programa)							
1.1.1 (naziv projekta)							
1.1.1.1 (naziv međunarodnog ugovora)							
1.1.1.2 (naziv međunarodnog ugovora)...							
1.1.2 (naziv projekta)...							
1.2 (naziv programa)...							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA AGENCIJE ZA SIGURNOST HRANE BIH ZA 2020. GODINU

Opći cilj/principi razvoja: Održivi rast

Strateški cilj: Brži i efikasniji razvoj poljoprivrede i ruralni razvoj

Srednjoročni cilj: Unaprijediti sistem zaštite zdravlja ljudi, životinja i bilja putem uspostavljanja efikasnog sistema sigurnosti hrane, veterinarske kontrole i fitosanitarne oblasti u BiH

Specifični cilj: Unaprjeđenje sistema sigurnosti hrane

Naziv projekta javnih investicija	Vrijeme realizacije		Status (ZAVRŠENO, U POSTUPKU, ODLOŽENO, PREKINUTO)	Komentar
	Očekivani period realizacije	Završen (DA/NE)		
1	2	3	4	5

VII - IZVJEŠTAJ O PROVEDENIM JAVNIM KONSULTACIJAMA KOD IZRADE IZVJEŠTAJA O RADU AGENCIJE ZA SIGURNOST HRANE BiH ZA 2020. GODINU

U skladu s odredbama Odluke o godišnjem planiranju rada i načinu praćenja i izvještavanja u institucijama Bosne i Hercegovine ("Službeni glasnik BiH", broj 94/14), proveden je postupak javnih konsultacija o Izvještaju o radu Agencije za sigurnost hrane BiH za 2020. godinu. Prednacrt izvještaja o radu je objavljen na službenoj web stranici Agencije za sigurnost hrane BiH (www.fsa.go.ba) u dijelu koji se odnosi na javne konsultacije, isti je prošao **e konsultacije** na službenoj stranici Ministarstva pravde BiH i dostavljen na mišljenje Uredu za zakonodavstvo BiH, Ministarstvu finansija i trezora BiH, Ministarstvu vanjske trgovine i ekonomskih odnosa BiH i Direkciji za evropske integracije BiH.

DIREKTOR**Dr. sci. Džemil Hajrić**